

Das Erste Buch

sein/ vnd laß ihn in die Wärme gehen/ vnd nicht in die Luft. Dieses Brodt zeucht allen Gifte zu sich/ muß derowegen vergraben werden.

Item/ Mirabile, daß die Gifte sich in eine Blase ziehe.

Nim 1. Loth Tyriacks/ 1. Loth Knob. 2. Loth warmen Schweins-Loth/ stoß es durcheinander/ mache ein Pflaster drauß/ kömpt einem die Pest oberhalb des Leibes/ so lege ihm das Pflaster auff den rechten Daumen/ ist es aber vnterhalb des Gürtels/ so lege es auff die grosse Zehe/ vnd sonst an kein ander Orht/ wenns gleich an der linken Seiten auffführe. Dieses zeucht eine grosse Blase auff/ die stich auff/ so läufft die Gifte herauß/ vnd soll dem Menschen geholffen werden. D. Andreas Starck in seinem Bericht von der Peste.

* Die Pestis wird von Paracelso auff viererley Art beschriben/ nemlichen.

Pestis	}	Ignea,
		Aqvea,
		Aërea,
		Terrea,

Pestis ignea, ist die mit grosser Hitze vnd grossem Brennen/ mit Aufffahren grosser Beulen hinder den Ohren aufffähret/ vnd keinen Durst bringet/ Darwider lobet er den Zucker/ Knobloch vnd Zwibel.

Pestis aqvea, die mit grossem Durst/ wenigem/ harten vnd kurzen Schlass vnd Zeichen in beyden Schlichten kömpt. So soll man darauff legen vnd auffbinden für der Sonnen Auffgang/ Frösche/ Schnecken/ Antvogel/ Hechte/ Schleyen/ Ahle/ vnd alles was sich des Wassers nehret.

Pestis